


宇多天皇事記
史料九
五中

575
2063
9





史料卷之九

宇多天皇事記第五中 起寬平三年二月盡九月

二月大 辛巳朔

十三日 己亥 依可遷御內裏於宮中行御讀經事
十九日 己亥 七社奉幣事

西宮記云寬平三年二月十九日己亥甚雨
午一刻始自伊勢至于鴨松尾平野八幡春
日大原野合七所奉幣云云去十三日請百



二十一口僧於紫宸仁壽清涼常寧殿等有御讀經云二

新儀式云從陣外可還御本宮前七八日遣

使伊勢大神宮并十一社寬平社奉幣告以遷

御內裏貞觀七年從太政官御仁壽殿寬平三年自東宮入御內裏之時例也

又於可御殿行御修法御讀經承和九年寬平三年等例

也

自東宮遷御內裏事

西宮記云未三刻天皇從東宮遷御內裏少

納言無鈴奏為廢務也供奉諸司及駕輿丁

等皆着蓑笠云二陰陽寮設厭法之調度立

於御前入承明門童女二人出自紫宸殿東

頭於庭中取彼寮所設物一人兼燭一人持椽立於御

輿前步登紫宸殿又左馬史生牽黃牛一頭

在御輿前童女後同步至于階下云二

廿九日己酉散位道真補藏人頭事

職事補任云藏人頭式部權少輔正五位下

菅原朝臣

按三月九日任少輔此時猶散位也

寬平三年二月

廿九日補

按公卿補任一代要記歷代皇紀大鏡裏書為三月誤也菅家傳記

古今集目錄同本書

三十日庚戌道真辭藏人頭事

菅家文草請罷藏人頭狀右臣某伏奉昨日

任藏人頭之勅旨夢中之想經曉猶迷水上

之行向春欲陷臣謹檢近代之例文德天安藤原

良繩

清和

觀藤原家宗同山陰

光孝

和平正範藤

原有穗源元當代藤原時平同高經源希等

或出自潢流或生於鼎族其德也堪守芝蘭

之種其威也足率鸞鳳之群未有凡夫懦士

之能當此任以遺其名者矣臣罷官南海歸

命北辰枯苑更華死骨重肉馴闕下而趨拜

分已無涯列侍中以周旋恩何不翅古人云

服之不衷身之灾也臣自謂褊衣短裳亦復

慎之况其職之乖人望乎况其任之違天量
乎伏願聖主陛下停臣所掌更選其人勿俾
跛狎妄觸仙欄腐鼠初汙禁省而已縱使臣
凌崩浪於螯頭臣豈敢辭命縱使_上臣蹈畏途
於虎尾臣豈敢惜身唯此非據之職臣之所
不知也臣某誠惶誠恐頓首頓首死罪死罪
謹言寬平三年二月廿日散位正五位下臣

菅原某

按本朝文粹又載之

十月三月小 辛亥朔

三日 癸丑 曲水宴事

菅家文草上巳日對雨翫花應製暮春尤物
雨中花何況流觴醉眼斜蜀錦露波依晚岸
吳娃點汗立晴沙且憐有清香猶襲偏愛無
塵色更加溫樹莫知多又少應言夢到上仙
家

田氏家集上巳對雨翫花應製暗來暗去到

清明上巳春光費眼精禁樹花痕微雨脚宮
溝水劑少雷聲臥槐欲起添膏液寒草應蘇
見挺生此夕更知皇澤遠迎朝定出藥園行
九日已一分除目以前行京官除目事

西宮抄云一分除目以前被行京官除目之
例寬平三年正月廿日大召三月九日京官
召廿五日一分召

十九日已任大臣事

扶桑略記云三月十九日大納言藤原良世
任右大臣年七十左大臣冬嗣八男也按七
十當

作六十九一代要記歷代皇紀為七
十五亦誤說在昌泰三年十一月

公卿補任云大納言正三位藤良世左大將
三月十九日任右大臣左大將如元中納言
從三位源能有右大將按察使使別當三月
十九日任大納言右大將按察使如元參議
從三位源是忠左衛門督三月十九日任中

納言左衛門督如元參議正四位下源光左
兵衛督備中權守三月十九日任中納言叙
從三位參議正四位下藤諸葛備前權守右
衛門督三月十九日任中納言叙從三位
又尻付云藤時平仁和三年二月十七日任
右近權中將按三代實寬平元五年正月十六日兼
讚岐權守寬平二年十一月廿九日叙從三
位三年三月十九日任參議兼國如元按古今集

九之五

目錄為十一月廿九日一代要源興基元慶
記尊身分脈大鏡裏書同本書

五年十二月十三日任左近衛權中將八年

十一月廿五日叙正四位下仁和三年二月

三日兼伊勢權守寬平三年三月十九日任

參議按又見要記

廿九日巳卯右大臣良世為藤氏長者事

公卿補任云右大臣正三位藤良世三月廿

九日為氏長者按又見興福寺年代記

是春左少辨佐世等左遷事

圓珍和尚傳云和尚晚年特愛遇尚書左少

丞藤佐世起居即善清行網繆恩好如有宿

世之契焉寬平三年春藤大夫佐世謫奧州刺史

清行且左遷備州長史

四月小庚辰朔

十一日庚寅參議時平等兼任事

公卿補任云參議從三位藤時平讚岐權守

四月十一日兼右衛門督參議從三位源直

左大辨四月十一日兼民部卿辨如元按此日保

則任左大辨而為參議正四位下源興基四

辨如元者可疑按又見一月十一日兼宮内卿代要記

又屍付云藤保則仁和三年八月廿二日任

太宰大貳十一月十七日叙從四位上寬平

三年四月十一日任左大辨源貞恒元慶八

年五月廿六日叙從四位上寬平二年正月

廿八日任右近衛中將三年正月廿日兼備
前權守四月十一日兼左兵衛督藤有穗仁
和三年正月七日叙從四位下同十一日任
中宮大夫寬平三年四月十一日兼右大辨
藤原保則傳云仁和三年二月任伊豫守辭
不赴職八月除為太宰大貳十二月叙從四
位上寬平三年四月辟為左大辨
廿五日甲辰左中辨道真重辭藏人頭事

管家文草重請解藏人頭狀右臣某不堪件
職之狀以去二月廿日上奏右少辨希傳勅
旨云事須先舉可替之人然後辭退件職又
奉口勅云早從職掌不得闕怠自爾以來漸
六十日進退周旋莫不違禮奉行宣下皆斯
失常加以某去三月九日任式部少輔今月
十一日兼左中辨此兩箇職過分踰涯况復
直瀧口撰書之所候御前侍讀之喚所帶者

二官所勤者兩役虛瑣之才難可兼濟望請
特被殊優將解件職然則罷光之中暫全傷
翅恩澤之下久養枯鱗不堪至誠重請處分
謹言寬平三年四月二十五日藏人頭正五
位下左中辨兼式部少輔某

五月大 己酉朔

廿九日^{丁丑}禁諸司諸家徵物使寬勘調網郡司
等事

類聚三代格云太政官符應禁止諸司諸家
徵物使寬勘調網郡司雜掌事右得丹波伊
豫土佐等國解備調庸雜物貢進在限若違
其期罪有恒法而今件徵物使等多集黨類
候郡司雜掌入京之日各競寬勘先號前分
責取官物次稱土毛掠棄私糧縱不叶其求
遂加陵轢爰郡司為免身辱偏忘公損或折
納官內徒充賂遺之贈或取封戶物還致本

家之費又雜掌所職專在公文不預雜物而
郡司未致之間勘責如前公糧竭於酒食旅
資盡於苞苴因茲不濟預事並以逃歸調物
難濟公文擁滯職此之由於是國司常被絆
解由郡司亦不免決罰不加禁止何弭苛酷
望請官裁被停件使將令貢調使并郡司務
進納之事然則納官封家無未進之弊國宰
郡司免罪責之科者左大臣宣奉勅依請若

有背符旨強遮之輩捕身言上殊處重科空
令有司亦加糾彈諸國准此寬平三年五月
廿九日

六月小 己卯朔按長曆以是月為大以七
月為小今據西宮記檮囊抄改之

十三日 辛卯 周易竟宴事

田氏家集云寬平元年十月九日御讀周易
三年六月十三日講畢博士善愛成把卷奉
授別駕忠臣侍讀都讀易之盪觴若比九流

之書則如百川之與巨海矣易之通照若比
五經之鏡則如衆星之與使月焉我后帝出
於震君臨于人以為自我草昧垂化文明欲
令天下歸大古之初通寂然之理於是中有勅
博士愛成叩其玄關別駕忠臣討其微義自
從高瞿博授穎達正義百家蜂起未有今日
之盛也盖所以廣先王之教化啓後生之耳
目者也講畢澆章時賜曲席良有以而爾焉

臣質同万物仰觀飛天之龍鱗學異小翼俯
擬漸陸之鴻翅應詔仰列斐然之志也自披
聖製閱義文大易幽微入五雲玉尺短長唯
疊二蒼龜先後是云二嫌疑誰累時頤讀爻
卦何妨屬耳聞懸象瞬眸天上耀遺經滿鼻
閣中芸天時明兩應言、寶曆通三莫導曠
六十年來知命遇韋編三絕為仁君
江談抄云寬平法皇者受周易於愛成給竟

宴之日叙位云二

十四日辰伊勢太神宮乾方雷落事

神宮雜事記云寬平三年六月十四日酉刻
太神宮之乾方路頭雷電落男一人黑班文
牛一頭共解斬已了因以明十五日早朝禰
宜注子細申送於祭使并宮司之許又了禰
宜內人等贄海仁供奉即違道天從字石田
山之西峯往反也爰彼度祭使神祇少副大

中臣時常并宮司良臣等於路頭號不可有
穢氣之由上從本道參宮了

十七日乙未禁諸院宮家使闌入諸國事

類聚三代格云太政官符應禁制諸院諸宮
諸家使不經國司闌入部內事中右得近江國
解備謹檢案內前司時調庸未進准租稅可
徵率之狀格制已明而今前件使等不由國
司闌入部內陵輓百姓略奪田宅妨取調庸

非帝勤責正物兼復倍徵賄賂調物難濟大
抵緣此望請官裁諸院諸宮諸家調庸若有
未進者先牒國司將令辨進非有國符不聽
入部然則官物易濟百姓安堵謹請官裁者
右大臣宣依請諸國准此寬平三年六月十
七日

十九日丁酉給失火百姓物事

中右記云大治二年二月十五日忠通左大臣令

有相朝臣奏少外記御船傳說勘申失火百
姓賑給例文承和九年七月十九日寬平三
年六月十九日延喜十年二月十九日同十
四年四月二日同年五月二日有此例
是夏延曆寺僧徒奉賀表事

圓珍和尚傳云寬平三年夏寺家大眾數百
人詣闕奉賀表云延曆寺沙門叡操等謹言
去年十二月廿六日恩勅授座主法眼和尚

位圓珍以少僧都之職僧徒歡呼駭奔相告
山神爲之驚喜廟塔由是震動圓公生而爲
摩尼寶發而爲優曇華智瑩圓鏡隨像分暉
器蘊鴻鐘待叩成響雖復形外之神獨遊金
繩之境然而心中之眼常觀玉階之塵伏惟
皇帝陛下德洽四埏化同千葉非唯蒼生沐
其皇澤亦令緇徒潤其天波旣而護彼正法
崇此台宗擢一山之閣梨爲四衆之都領發

恩綸於綺閣耀寵榮於巖扃喜氣紛郁新添
台嶺之霞德馨薰蒸潛滿靈山之窟叡操等
宿植福業生屬明時見未曾有之善戴不可
量之恩圓珠增光彌照一乘之輒法藥倍味
永愈羣生之痾欣感交並百於恒品不任抃
舞之至拜表以聞

內供增命祈念碎巖事

扶桑略記云夏月增命安居山上叡嶽南嶺

二日^已沒^下五畿內不貢調物百姓戶田爲國寫
田事

類聚三代格云太政官符應准京職進計帳
手實日沒不貢調物百姓戶田爲國寫田事^丙
右得河內國解俛檢案內此國調錢未進經
年猥積是則百姓誦詐不遵憲法之所致也
謹案戶令云造計帳每年六月卅日以前京
國官司責所部手實者於是左右京職准據

此法進手實日令貢調錢至不進戶必沒戶
田號爲職寫以充上用而國例計帳之日不
進手實無備調物只使郡書生勘造計帳至
于勘會多有紕繆輸貢調物已致違期望請
行計帳務之日且令進手實且令進調物若
不進者沒彼戶田爲國寫田然則輸貢叶期
國吏免累謹請官裁者右大臣宣奉勅依請^{良世}
四畿內亦同寬平三年七月二日
按政事要略又載之

十四日辛酉藤原興世卒事

尊舅分脈藤原村田三男興世陸奧因幡安藝但馬攝津等守右兵衛權佐從四下寬平

三七十四卒按一本為村田一男富士麻呂子

文德實錄云嘉祥三年五月甲午十七正六位上

藤原朝臣興世授從五位下八月庚戌五從五

位下藤原朝臣興世為右衛門權佐仁壽元

年二月辛亥從五位下藤原朝臣興世為陸

奧守甲子廿一從五位下藤原朝臣興世為常陸權介陸奧守如故

三代實錄云貞觀二年正月十六日丁卯散

位從五位下藤原朝臣興世為但馬今二月

十四日乙未散位從五位下藤原朝臣興世

為因幡守四年正月十三日壬午從五位上

行因幡守藤原朝臣興世為阿波權守十年

二月十七日辛巳散位從五位上藤原朝臣

興世爲刑部大輔十一年正月十三日辛未
從五位上守刑部大輔藤原朝臣興世爲安
藝守二月十六日甲辰從五位上守刑部大
輔藤原朝臣興世爲紀伊守

類聚國史云元慶元年十一月廿一日戊午
授從五位上行出羽守藤原朝臣興世正五
位下

三代實錄云元慶二年三月廿九日乙丑晦

出羽國守正五位下藤原朝臣興世飛驒上
奏夷倭叛亂今月十五日燒損秋田城并郡
院屋舍城邊民家仍且以鎮兵防守且徵發
諸郡軍勅符曰得奏狀既知夷虜悖逆攻燒
城邑犬羊狂心暴惡爲性不加追討何有懲
人事須量發精兵扼其^中喉咽三年正月十一
日辛丑出羽國飛驒奏言去年十二月十日
凶賊悔反逆之過致束手之請便返進所掠_下

奪之甲廿二領^上

類聚國史云元慶七年正月七日甲戌授正五位下行伊勢守藤原朝臣興世從四位下

二十日^{丁卯}停常陸國史生一員置陰陽師事

類聚三代格云太政官符應停^下史生一員置

陰陽師事右得常陸國解俛決疑之要必用

占筮望請准武藏下總等國之例減史生一

員置陰陽師謹請官裁者右大臣^{良世}宣奉勅依

請寬平三年七月廿日

廿一日^{戊辰}令式部大丞藤原春海問散位三統

理平策事

類聚符宣抄云少輔正五位下管原朝臣道

真傳宣右大臣宣奉勅散位三統理平方略

試宣令大丞藤原春海問者寬平三年七月

廿一日少錄阿保連扶奉

西宮記云延長六年三月廿八日貞公御記

云博文朝臣可令問紀在昌之宣旨仰文永宿禰前例上宣也仍准故實仰也寬平年中奉勅宣旨也可謂違失貞觀仁和延喜之例皆上宣也

廿三日庚午左衛門督是忠補檢非違使別當事

公卿補任云中納言從三位源是忠左衛門

督七月廿三日為使別當按歷代皇紀為六月一代要記同本

書

三十日丁丑相撲召合事

檮囊抄相撲條云仁壽殿東庭例寬平三七

世召合

又云世日例寬平三延長五

西宮記云寬平三年七月世日相撲長近衛

著尋常衣云二

八月大戊寅朔

三日庚辰定修理職官位事

類聚三代格云太政官符定修理職官位事
右太政官去延曆十五年七月廿四日下式
部省符偁造宮職官位空准中宮職但大屬
特爲七位官其馬料者少屬已上人別給之
又弘仁九年七月十九日符偁修理職官位
馬料季祿等准據造宮職者右大臣良世宣奉勅
件職官位空仍舊貫寬平三年八月三日

令委填開用不動穀事

又云太政官符應令開用不動穀遺不加動
用後年委填事右得民部省解偁主稅寮解
偁不動穀者遠年之儲非常之備尋常之時
不可輒用而或國稱不足例年雜用申請件
穀指倉開用假令可用千斛之穀猶開萬斛
之倉遺九千斛皆爲動用元來爲例所司無
責不動減少職此之由式云穀未下盡不得
除杭然則迄下盡日可謂不動而多計之遺

更爲動用求之政途頗乖公平望請自今以後開用倉遺猶爲不動其所用之穀後年必令委填又開用不動事須先盡遠年而或國寄言納倉破損申開近年不動須修理其倉如舊委納而開用之後秩限已滿不加修理亦無委填遂使新穀之資斫充用途九年之貯一時永絕推之物情亦乖理途重望殊施嚴制一切禁制者省依解狀謹請官裁者右

良世大臣宣奉勅依請但開用遺穀率於本數不足五分之一不可更勞委填不得偏恃此事每倉置遺若不遵行返却稅帳

令糴出舉雜用殘稻并前司分付古稻事

又云應令糴年中出舉雜用遺稻并前司分付古稻事右同前解偁同寮解偁謹檢格條年中出舉雜用之外不遺束把皆悉爲糴而今諸國殘稻不務糴成違乖格旨古稻猶多

凡類與穀資用不同國家之貯穀是為要所
司須返帳不勘而案式年中出舉雜用殘稻
不糙之類並顯勘出不須返帳者因茲年二
雖顯勘出國司曾無改悛此則於帳無煩於
吏無責之所致也望請殊科責令慎將來者
省依解狀謹請官裁者同宣奉勅依請仍須
當任雜用殘稻不論多少隨年糙納又前司
分付古稻後司相承立率為糙其率法者作

十分論每年糙一分但不論土浪隨營田數
令糙其穀即委納不動若不遵行同返稅帳
以前條事如右宜依件行之寬平三年八月
三日

五日壬午依卜占令問死穢不淨於大神宮司事
神宮雜事記云七八月間天皇御所仁物恠
頻也仍令卜食之處神祇官陰陽寮勘申云
巽方太神依死穢事御崇歟仍八月五日下午

宣旨於太神宮司被尋搜件死穢不淨之處
以上件六月^{十四日}死人事注申了因之差勅使被
祈申於二宮了勅使王、王中臣神祇大
祐中臣安則等也即六日祭使時常宮司良
臣等科上祓但禰宜內人等違道依供奉贄
海之忠節不科祓也

十日^{丁亥}釋奠事

田氏家集仲秋釋奠聽講周易文宣未說藥

為仙恨背緇帷報赭鞭老邁歸田知不晚應
休職役絕韋編按忠臣是時為
典藥頭故云爾

十一日^{戊子}定考并內論議事

政事要略云寬平三年八月十一日於太政
官有定考事^{融良世}左右大臣已下參議已上同預
此政但右大臣及右衛門督藤原時平卿重
政畢之後參着左仗于時呂昨釋奠博士等
天皇御出按良世母去年十月卒
時平父今年正月薨

西宮記云寬平三年八月十一日定考云二
右大臣世良及右衛門督藤原時平卿重服仍
政畢之後參左近陣云二天皇御南殿有內
論議事

又釋奠內論議條云博士以下候內記所差
生一人進博士以下交名外記入菅覽上卿
見了返給一通進藏人所仍不奏寬平三年
之奏天皇御南殿云二
九月大戊申朔

四日辛亥齋王群行事

西宮記齋王群行條云寬平三年九月四日
辛亥融左大臣就左近陣行叙位事先例齋王
參太神宮時以中臣五位為幣使仍大副有
本充使而依病辭之仍叙少副時常為使云
云勅召舍人舍人候昭訓門內唯少納言公
幹代入自同門就第二版云二檢舊例有故
者有宣命無故者無宣命仍今日無宣命云

云 按是時元子
女王為齋宮

又云齋王乘輿出昭訓門至八省東路南行
至郁芳門路東折至美福門南行即出東掖
門云二寬平三年承平三年路如此

十日 丁巳重陽後朝事

田氏家集重陽後節題秋叢應製探賜交字
因恭東日拜西郊寒草無愁霜露交蘭佩始
應鳴紫玉菊粧猶未綻黃袍薇無枝格沙轟

孔蘆菔、承閣鳳巢欲勸句陳留退客洞中

秋景不堪拋

十一日 戊午依例幣既發無廢務事

園太曆云寬平三年九月十一日無廢務辨
史著結政今日例幣去四日進發之故也

禁諸國綱領犯所領官物事

類聚三代格云太政官符應禁斷諸國綱領
奸犯所領官物事右左融大臣宣奉勅監臨犯

物罪科非輕事明法條人亦忌憚如聞比年
諸國綱領各為奸犯或贖勞出身空歸國郡
或買宅定居便留京都其所充用皆是官物
國用之乏職此之由宜下知諸國嚴加檢察
若有斯類捉身言上處之重科斷彼奸徒寬
平三年九月十一日按政事要略又載之

禁京戶子弟居住外國事

又云太政官符應禁制京戶子弟居住外國

事右齊衡二年六月廿五日格傳延曆十六
年四月廿九日下太宰府符傳從二位行大
納言神王宣奉勅括責淳宕先已下知今聞
秩滿解由之人王臣子孫之徒結黨群居同
惡相濟佞媚官人威凌百姓妨農奪業為蠹
良深宜嚴檢括勒還本鄉情願留住便早編
附若有犯者不論蔭贖科違勅罪移配遠處
土人容而不申官司知而不糾者亦與同罪

者右大臣良房宣奉勅件格年紀已久風威陵遲
宜重下知嚴加檢括者頃年京貫人庶王臣
子孫或就婚姻或逐農商居住外國業同土
民既而凶黨相招橫行村里對捍宰吏威脅
細民非唯妨國務抑亦傷風教左大臣宣奉
勅宜加下知嚴令督察來年七月以前言上
其去留之狀若頑狠之徒猶犯不改則不論
蔭贖移配遠處一如前符曾不寬宥百姓尚

容忍官司不糾察論罪科斷示如前符寬平
三年九月十一日
禁外國百姓入京戶事

又云太政官符應禁制外國百姓入京戶
事右齊衡二年三月十三日格傳延曆十九
年十一月廿六日下民部省騰勅符傳都鄙
之民賦役不同附除之事損益已異今聞外
民挾奸競貫京畿非唯增口貪田實唯冒名

假蔭如不改輒何絕詐偽自今以後一切禁
斷者如聞外土之民^{良房}奸附京畿多適課役無
懷土心右大臣宣奉勅宣依延曆符嚴加禁
止但有蔭首色不獲已可附者氏中長者覆
審加署申所司所司申官待報符而後附帳
者年來外國百姓或賄小吏而貫京畿或賂
戶頭而冒氏姓卽是格制雖存於前有司尚
緩放後之所致也左大臣宣奉勅宣下符勤

加檢錄若戶主隱而爲人所告有司忍而不
勤督察依法科處不曾寬宥寬平三年九月
十一日

禁舍人帳內資人外託仕官家事

又寬平六年官符云舍人帳內資人之外託
仕官家一切禁斷去寬平三年九月十一日

新制已立云全文在六年十一月

僧正真然入滅事

一代要記云九月十一日真然僧正入滅年

七十三 按和漢合符為六月歷代皇紀同本

是正

東寺長者補任云僧正真然九月十一日於

高野卒 八十號後僧正又號中院僧正讚岐

國人佐伯氏 弘法大師甥入室御弟子真雅僧正

灌頂真濟受法貞觀十六年十二月廿九日

任律師元慶三年十月十日任權少僧都 按密

宗血脈抄為七年十月十八年三月以後寺務 任

月七日與國史合可尋決之或云去年加二長者云 仁和元年十月廿二日轉

正三年依勅高野山建立一間四面真言堂

一字奉安置智法身大日一體四天王像各

一體又建立九丈多寶塔一基安置八尺大

日五尺四佛金剛界皆金色是小松 光孝天皇御

願也四年三月廿日任大僧都 按本書或說

及血脈抄為四月寬平二年十月二日任僧正

高野山檢校帳云南山座主真然師世姓佐伯氏讚州人空海甥也道業清高能繼法流從空海遺言造營諸伽藍宇多天皇仁和四年戊申擢置金剛峯寺座主職同御宇寬平二年庚戌爲僧正同三年辛亥秋九月十一日寂年八十八
三代實錄云貞觀十六年十二月廿九日癸未詔以傳燈大法師位真然爲律師元慶七

年十月七日庚子以法橋上人位真然爲權少僧都仁和元年十月廿二日癸酉詔以權少僧都法眼和尚位真然爲少僧都
元亨釋書云釋真然姓佐伯氏讚州人弘法大師之甥也就而學密乘又受真雅之灌頂法臨入定語然曰我以此山付汝汝其勵志營構爲鎮護之靈區真言之教場汝其勛乎蓋金剛峯寺此時未成故有此遺訓然盡心

於營造以故高野之峯為然之門院寬平二年為僧正三年九月十一日滅

高野山奧院興廢記云弘法大師御入定事承和二年三月廿一日寅時結跏趺坐結大日定印奄然入定雖然如世人不葬送而儼然安置則准世法及七二御忌御弟子等併以拜見顏色不變鬢髮更長因之加剃除整衣裳疊石壇例人可出入之許其上仰石匠

安置五輪率都婆入種二梵本陀羅尼其上更亦建立寶塔安置佛舍利其事一向真然僧正所營也云二又或記云四十九箇日不埋收五十日滿奉埋斯了其間六人御弟子達奉守護給所謂實惠真濟真雅真紹真然真如是也云二私云高野附屬之弟子中院真然僧正自承和元年迄寬平元年五十六年執務之間併任祖師緣起繪圖彼廟塔并

堂舍拜殿等相勵微力所令造營歟

密宗血脈抄云律師法橋上人位真然或記

云號中院僧正又號後僧正弘仁未誕生幼

少時隨大師悉蒙慈訓中略寬平三年九月十

一日於高野山入滅七十餘八十許寬平御宇仁和四以此

師為仁和寺供養導師拾要意云守覺御作中院

真然僧正為高野管領又為東寺長者大師

御巡禮御共不闕被參也大師御持經袋授

五八五

與真然給云二其御經中青龍寺和尚手書

經一卷有之其經理趣經也後被獻陽成院

陽成院未東宮御時也

十四日辛酉參議興基卒事

一代要記云參議源興基寬平三年三月十

九日任元左中將同四月十一日兼宮内卿同九

月十四日卒年四十四按公卿補任為十日疑脫四字

公卿補任云源興基仁明天皇孫四品人康

親王男貞觀八正七叙從四下十三正廿九
任播磨權守十六正七叙從四上十八二十
五任彈正大弼十九元慶元正十五任左馬頭元慶
四十七兼伊勢守五十二十三任左近衛權
中將六二三兼備前守八十一廿五叙正四
下仁和三正廿二聽禁色衣服二月三日兼
伊勢權守寬平三三十九任參議四月十一
日兼宮内卿九月十日卒

三代實錄云貞觀八年正月七日甲申授无
位興基王從四位下九年正月十二日癸丑
散位從四位下興基王為侍從十一年正月
廿五日戊寅從四位下行侍從興基王為信
濃權守元慶四年二月八日壬辰左京人從
四位上行左馬頭兼伊勢守興基王賜姓源
朝臣興基人康親王之子也六年二月三日
丙子從四位上行左近衛權中將源朝臣興

基為備前守權中將如故
仁和三年二月十七日
辛酉正四位下行左近衛權中將源朝臣興基為伊勢權守權中將如故

史料卷之九

安倍就正書

